



Alþýðusamband Íslands

Nefndasvið Alþingis
Utanríkismálanefnd
Austurstræti 8-10
150 Reykjavík

Reykjavík 9.11.2023
Tilvísun: M202310-0623

Efni: Tillaga til þingsályktunar um merkingu á vörum frá hernumdum svæðum Palestínu (107. mál – 154. löggjafarþing) – Umsögn Alþýðusambands Íslands

ASÍ hefur áður fjallað um málið og ítrekar þau sjónarmið sem þar hafa komið fram. Umsögnin er hér meðfylgjandi.

Í ljósi yfirstandandi aðgerða Ísraels sem fela í sér stórkostleg mannréttindabrot á saklausum borgurum í Palestínu er hér jafnframt meðfylgjandi ályktun miðstjórnar ASÍ frá 1. nóvember sl.

Meðfylgjandi:

- Umsögn undirritaðs f.h. ASÍ á málinu á 153. Löggjafarþingi
- Ályktun miðstjórnar ASÍ um Palestínu dags. 1.11.2023

Virðingarfyllst f.h. ASÍ,

Halldór Oddsson
Sviðsstjóri Lögfræði- og vinnumarkaðssviðs
halldoro@asi.is / 5355600



Nefndasvið Alþingis
Utanríkismálanefnd
Austurstræti 8-10
150 Reykjavík

Reykjavík 8.6.2023
Tilvísun: M202306-0403

Efni: Þingsályktunartillaga um merkingu á vörum frá hernumdum svæðum í Palestínu, 777. mál, 153. löggj. – Umsögn Alþýðusambands Íslands (ASÍ)

ASÍ hefur áður fjallað um málið, nánar tiltekið er það var lagt fram á 1455. löggjafarþingi sem 76. mál. Umsögnin sem nú er ítrekuð var svohljóðandi:

Alþýðusamband Íslands hefur um áratugaskeið fordæmt hernám Ísraels í Palestínu og stutt baráttu Alþjóðasambands verkalýðsfélaga (ITUC) fyrir réttindum palestínsks verkafólks og andstöðu við hið ólöglega hernám. Eitt þeirra verkfæra sem borgarar lýðfrjálsra ríkja geta notað til þess að þrýsta á stefnubreytingu ríkja sem ekki fara að alþjóðalögum er meðvitað val neytenda á neysluvöru. Nokkurt magn vöru er flutt inn frá Ísrael án þess að bera með sér aðrar upplýsingar um uppruna en að varan sé framleidd í Ísrael en hluti hennar er framleiddur á svæðum sem hernumin hafa verið í andstöðu við alþjóðalög. ASÍ styður því heilshugar að vara sögð framleidd í Ísrael verð sérstaklega merkt eins og tillagan gerir ráð fyrir. ASÍ styður jafnframt að íslensk stjórnvöld beiti sér fyrir auknum viðskiptum við Palestínu á grundvelli bráðabirgðasamnings EFTA þar um frá 1.7 1999 (<http://www.efta.int/free-trade/free-trade-agreements/palestinian-authority>).

ASÍ vill líka koma á framfæri að á nýliðnu þingi Evrópusamtaka verkalýðsfélaga (ETUC) var fjallað um hið ólöglega hernám og viðbrögð við því í aðgerðaráætlun samtakanna fyrir tímabilið 2023-2027 þar sem lagt er fyrir forystu samtakanna að:

*...Promote peaceful resolution in Palestine, Syria, the Kurdish region and Western Sahara and elsewhere; demand the respect of international law and the right of all peoples to self-determination, in accordance with UN resolutions; demand the EU ensures the respect of the geographical scope of its Association Agreements; demand that the EU considers the impact on workers when deploying sanctions and blockades. **The ETUC will advocate for regulatory measures that stop EU legal entities both importing products originated in illegal settlements and exporting to occupied territories, aiding or assisting such unlawful situations in conformity with EU Treaties and compliance with international law.** The ETUC reaffirms the need for a negotiated agreement between Israel and Palestine that will result in a lasting and peaceful “two-states” solution, representing solidarity, justice and the legitimate rights of both peoples to co-existence in security, independence and two sovereign viable states. The ETUC calls to enhance, under the auspices of ETUC and their affiliated unions, the cooperation between the Histadrut and PGFTU to assist the Palestinian workers who are employed in Israel and in*



Alþýðusamband Íslands

particular, the vocational training which is given to the latter in the industry sector.

Sjá aðgerðaráætlunina í heild sinni hér: <https://www.etuc.org/en/congress>

Með vísan í allt framangreint styður ASÍ að málið fái framgang á þinginu og verði samþykkt sem þingsályktun.

Virðingarfyllst f.h. ASÍ,

Halldór Oddsson
Sviðsstjóri Lögfræði- og vinnumarkaðssviðs
halldoro@asi.is / 5355600



Reykjavík, 1. nóvember 2023

Ályktun miðstjórnar ASÍ um Palestínu

Miðstjórn Alþýðusambands Íslands fordæmir þá ákvörðun íslenskra stjórnvalda að sitja hjá í atkvæðagreiðslu allsherjarþings Sameinuðu þjóðanna um vopnahlé í Ísrael og Palestínu. Með þessari ákvörðun hafa þau stillt Íslandi upp með þeim ríkjum sem heimila ísraelskum stjórnvöldum að hafa alþjóðalög að engu í hernaðaraðgerðum sínum, stunda þjóðernishreinsanir, drepa almenna borgara, hrekja þá frá heimilum sínum og svipta þá lífsnauðsynjum. Ákvörðunin samræmist ekki stefnu Íslands um að viðurkenna og virða sjálfstæði Palestínu.

Miðstjórn tekur undir með ályktunum alþjóða verkalýðssambandsins (ITUC) frá 9. og 20. október sl. þar sem kallað er eftir tafarlausu vopnahléi og fordæmir hryðjuverk Hamas-samtakanna gegn almennum borgurum og hefndaraðgerðir Ísraela sem hafa leitt til fjöldamorða og flokkast undir stríðsglæpi. Sprengjuárásir Ísraelshers á Gaza hafa nú staðið linnulaust í tæpar fjórar vikur. Í skugga þeirra hafa Ísraelar auk þess veitt landtökumönnum, sem eru studdir af her og lögreglu, leyfi til að hrekja Palestínumenn af landi sínu og heimilum á Vesturbakkanum. Hér fer fram fullvalda ríki með einn öflugasta her heims gegn íbúum lands sem hefur búið við hernám þess sama ríkis í áratugi. Hjálparsamtök eiga í miklum erfiðleikum með að koma nauðsynjavörum til fólks og alvarlegur skortur er á vatni, mat og lyfjum. Almennir borgarar geta ekkert farið og yfir þrjú þúsund og fimm hundruð börn hafa látið lífið í átökunum.

Vopnahlé er eina leiðin til þess að bregðast við þessu ástandi – og það er skylda ríkja heims að þvinga Ísrael að samningaborðinu áður en það er um seinan. Þess í stað hafa sum valdamestu ríki heims réttlætt aðgerðir Ísraela undir þeim formerkjum að þeir eigi rétt á því að verja sig. En sá réttur veitir engum leyfi til að brjóta alþjóðalög og skeyta engu um mannfall almennra borgara. Með afstöðuleysi sínu hafa íslensk stjórnvöld veitt ofbeldisverkum blessun sína. Svonefnt „mannúðarhlé“ sem stjórnvöld hafa gert að lykilatriði í málflutningi sínum er pólitískt fegrunaryrði sem er til þess eins fallið að gera skammvinnt hlé á hernaðaraðgerðum í þeim tilgangi að koma nauðsynjum til fólks. Með því er ekki verið að krefjast vopnahlés og að árásum á almenna borgara linni.

Með viðurkenningu á sjálfstæði Palestínu skipaði Ísland sér í hóp þeirra ríkja sem vilja vekja athygli á því óréttlæti sem íbúar Palestínu hafa mátt búa við í meira en hálfa öld: hernámi Ísraela, daglegu ofbeldi, skertu ferðafrelsi og aðskilnaðarstefnu. ASÍ krefst þess að íslensk stjórnvöld fylgi eigin stefnu og beiti sér af fullum þunga fyrir tafarlausu vopnahléi og endalokum hernáms Ísraela í Palestínu.

